



# Vischnaunca Ruschein

## **Reglament de taxas per lubientschas de baghegiar della vischnaunca Ruschein**

Conform als art. 102 e 103 della lescha de baghegiar della vischnaunca Ruschein relai la suprastonza communal cun datum dils 17.11.97 ed dils 15.12.97 il suandont reglament de taxas per lubientschas de baghegiar:

1. La taxa fundamentala per la lubientscha de baghegiar importa 0.1% della valeta de construcziun nova (Neubauwert), indicada el schazetg official cantunal. Cun quella taxa vegn curclau tut ils cuosts ordinaris per sesidas, funcziuns, controllas e lavurs de correspondenza della commissiun de baghegiar, suprastonza communal e canzlia communal. Ultra de quei vegn adossau al titular de lubientscha tut ils cuosts dil geometer communal per examinar il project, prender giu la profilaziun ed il palancau de corda sco era la collaudaziun dil baghetg. Milsanavon vegn vulviu giu sil proprietari tut ils cuosts che seresultan ord midadas, amplificaziuns, cumpletaziuns e correcturas de project. Per garantir la curclada de cuosts sa la suprastonza fixar cun ina summa pauschala l'altezia minimala della taxa fundamentala.
2. Per controllas, tractaments e lavurs extraordinarias sco era per expertisas e giudicats professiunals vegnan ils cuosts effectivs adossai supplementarmein al proprietari.
3. Lubientschas de baghegiar per lavurs de construcziun ed objects da dimensiun pli pintga vegnan imponidas cun ina taxa pauschala, numnadamein  
frs. 50.— tochen 500.— en zona de baghegiar  
frs. 100.— tochen 500.— ordeifer la zona de baghegiar  
Lubientschas pintgas, las qualas vegnan concedidas en fuorma rudimentara e senza ina precedentia publicaziun, san vegnir deliberadas dalla taxa per la lubientscha de baghegiar.
4. En cass specials sa la suprastonza communal fixar la taxa per la lubientscha de baghegiar en digressiun dellas prescripziuns de quest reglament.
5. La taxa per la lubientscha de baghegiar vegn messa a quen cun la remessa della respectiva lubientscha de baghegiar tenor la summa de baghegiar approximativa ed ei de pagar enteifer 30 dis. La taxa definitiva vegn incassada suenter ch'il schazetg official cantunal ei avon maun.

Ruschein, ils 17.11.1997 / 15.12.1997 / rev. 24.8.1998

SUPRASTONZA COMMUNALA RUSCHEIN

Il president:

*Capaul Leo*

Igl actuar:

*Casanova Toni*